



# JAKARANDA VOORTREKKERKAMP

2024

Altyd  Altyd 



15 Maart 2024

Beste Veldmuis en Beste Veldmuis-ouer

Baie welkom op die 39ste Jakaranda Voortrekkerkamp. Alle graad 1's & graad 2's wat kursus doen, staan as **Veldmuise** bekend. Veldmuise volg hulle eie program met eie benodighede, sien punt 2.14. Alle kampinligting, asook 'n roetekaart, is op die webwerf by <http://jakaranda.voortrekkers.org.za/> beskikbaar.

## LEES HIERDIE BRIEF SAAM MET JOU OUERS DEEGLIK DEUR!!

### 1. Belangrike kampinligting waarvan jy moet weet

- 1.1 Die kamp duur amptelik vanaf Woensdag 27 Maart 2024 om 17h00 tot Sondag 31 Maart 2024 om 11h30. Alle Veldmuise slaap by hulle ouer/s.
- 1.2 Met jou aankoms sal offisiere die bestuurder van die voertuig waarin jy is, stop om jou sommer gou elektronies te registreer. Luister asseblief mooi na **waarheen** en **hoe** julle moet ry om sodoende 'n verkeersopeenhoping te vermy.
- 1.3 Bring ook asseblief **al** jou medikasie dadelik na die Noodhulpkamer waar dit veilig bewaar sal word. Noodhulppersoneel sal seker maak dat medikasie getrou en korrek geneem word. Bring ook chroniese en ander spesiale medikasie saam. Neem asseblief kennis van die Nood- en Medikasie inligtingsvorm wat voltooi moet word om saam met die medikasie by die noodhulp ingehandig te word. Wetgewing vereis dit vir die toediening van medikasie.
- 1.4 Alles wat jy saambring moet duidelik gemerk word - veral duursame items soos slaapsakke, warmbaadjies en voortrekdrag. Moenie speelgoed wat kan/gaan wegraak saambring nie. Ons kan nie verantwoordelikheid daarvoor neem nie, en ouer/s gaan nie tyd hê om daarvoor te soek nie.
- 1.5 Klere en slaapgoed moet netjies en kompak gepak word, sodat items maklik gevind en ook droog gehou kan word. Hou klerasie en slaapgoed apart. Moet asseblief **NIE** met 'n rugsak en/of 'n klomp los goed op die kamp aankom nie. Onthou om 'n plastiese sak in te pak om nat klere in huis toe te neem
- 1.6 Ons eet almal Woensdagaand saam uit die kampkombuis. Onthou dus om jou bordesak byderhand te hou. Jy ontvang gedurende die kamp drie gebalanseerde maaltye per dag asook koeldrank en vrugte met koeldranktyd. Daar sal wel 'n snoepie beskikbaar wees tydens die kamp. Geld is hiervoor vooraf inbetaal. Kontroleer met jou ouers hoeveel snoepiegeld vir jou inbetaal is.
- 1.7 Radio's, elektroniese speletjies, balle, jagmesse, knipmesse en ander speelgoed word nie toegelaat nie. Horlosies en ander waardevolle artikels soos oorbelle, hangertjies, selfone en ipods moet ook liefstuis gelaat word. Die kamp aanvaar geen verantwoordelikheid as artikels

verlore raak of beskadig word nie.

- 1.8 Geen vuurhoutjies, gaslampe en kerse word toegelaat nie (net flitse, sonpaneelligies).
- 1.9 Jeuglede wat nie vir die **volle duur** van die kamp teenwoordig is op die kamp nie, staan die kans om hulle spesialisasie kentekens en/of kampsertifikate te verbeur. Jy as Veldmuis moet bedags by die **Veldmuis groep wees** om te kwalifiseer vir die spesialisasie. Geen veldmuis mag los rondloop of op sy eie by die swembad wees nie.
- 1.10 Foto's geneem tydens die kamp word gepubliseer op Facebook, Jakaranda Voortrekkerkamp, en word gebruik vir bemerking van die kamp.

## 2. Wat jy moet saambring

- 2.1 Sakbybel.
- 2.2 Jy is **verplig** om jou **aktiewe Voortrekkerdrag** op die kamp te hê. Die gepaste **vlootblou** warmdrag is nodig as dit koud is. Onthou om 'n **ekstra** lang demin te bring vir saam met jou Voortrekkerdrag. Tekkies word tydens seremonies gedra.
- 2.3 Vier stelle kampklere vir gedurende die dag.  
Om jou teen die son te beskerm is die dra van frokkies en drafbroekies ontoelaatbaar. Dogters mag kniebroeke en langbroeke dra maar nie kort kortbroeke nie. Die broekie moet 'n behoorlike broekspyp hê. Skouerlose rokkies en bloesies moet liefsvry word weens die gevaar van sonbrand.
- 2.4 'n Hoed en gemaklike skoene is noodsaaklik. Kapokkies gaan ook stap in die veld.
- 2.5 Slaapklere of 'n sweetpak.
- 2.6 'n Stel warm klere vir die aande. Dit word koud.
- 2.7 'n Toiletsakkie met alles wat nodig is volgens die Kapokkie se behoefte. Onthou ook "Lip - ice" vir die lippe, "Tabbard" teen die muskiete en sonbrandroom.
- 2.8 'n Swembroek met 'n handdoek vir swem of stort. Onthou Polly-otter/vlerkies en ander swemhulpmiddels.
- 2.9 'n Goeie warm slaapsak.
- 2.10 'n Flits en 'n ekstra stel batterye of 'n sonpaneelligie.
- 2.11 'n Reënjas.
- 2.12 'n Waterbottel vir wanneer ons veld toe gaan.
- 2.13 Maak seker al jou besittings/klere is duidelik gemerk.
- 2.14 Jou kursusbenodigdhede vir **VELDMUISE:**
  - 'n Appelboks (nie fotostaatpapierboks of kleiner nie).
  - 'n Rugsakkie met swemklere en ekstra handdoek wat by ons bly (gemerk!!).
  - 'n Voorskoot of swartsak vir verf .
  - 'n Wasvadoekie wat jy waarskynlik nie gaan terugkry nie.
  - 15 x papierborde.
  - 'n Meter van enige mooi lint.



- Onthou tekkies en sonbrandroom (gemerk).
- Geen bordesakke en eetgerei nie asseblief. Die veldmuise het hulle eie eetgerei.
- Een vol rol toiletpapier.
- Een pakkie koekies met vulsel.

Indien jy enige navrae het is jy welkom om Tannie Zelna van Tonder gerus by 084 292 8896 te kontak.

Voortrekkergroete

Jan-Albert de Kock  
KAMPLEIER

Nicolette Koukeas  
KAMPSEKRETARESE